



USAID
FROM THE AMERICAN PEOPLE

**EAST • WEST
MANAGEMENT
INSTITUTE**

კონკურსი ინოვაციების და გამოწვევების საგრანტო (ICG) პროგრამა

გრანტების მოცულობა:	\$10,000-დან \$30,000-მდე
გასაცემი გრანტების რაოდენობა:	მაქსიმუმ 8
საგრანტო პროექტების ხანგრძლივობა:	12 თვემდე
საგრანტო განაცხადის წარდგენის ბოლო ვადა:	27.04.2023
ვის შეუძლია განაცხადის წარდგენა:	რეგისტრირებულ ორგანიზაციებსა და მოქალაქეთა არარეგისტრირებულ გაერთიანებებს

USAID-ის სამოქალაქო საზოგადოების ჩართულობის პროგრამა აცხადებს ღია საგრანტო კონკურსს „ინოვაციების და გამოწვევების გრანტებზე“ (ICG). კონკურსის მიზანია, მხარი დაუჭიროს სამოქალაქო საზოგადოების ორგანიზაციების, სამოქალაქო მოძრაობების, პროფესიული ასოციაციებისა და მოქალაქეთა არარეგისტრირებული გაერთიანებების ინიციატივებს, რომლებიც მიმართული იქნება მოქალაქეთა ჩართულობის ან/და სათემო აქტივიზმის გაზრდისკენ.

ამ კონკურსის ფარგლებში EWMI **რვა გრანტს** გასცემს. რეგისტრირებული სამოქალაქო ორგანიზაციებისთვის გასაცემი გრანტების ბიუჯეტი **\$10,000-დან \$30,000-მდე** იქნება, ხოლო მოქალაქეთა არარეგისტრირებული გაერთიანებებისთვის გასაცემი გრანტების ბიუჯეტი **\$1,000-დან \$10,000-მდე**. ორივე ტიპის გრანტების ხანგრძლივობა კი - **12 თვემდე**. EWMI იტოვებს უფლებას, დააფინანსოს ნებისმიერი ან არცერთი წარმოდგენილი განაცხადი.

საგრანტო პროგრამის მიზანი

„ინოვაციების და გამოწვევების საგრანტო პროგრამა“ შესაძლებლობას აძლევს ფორმალურ (რეგისტრირებულ) და არაფორმალურ (არარეგისტრირებულ) სამოქალაქო გაერთიანებებს, განავითარონ თავიანთი შესაძლებლობები და ხელი შეუწყონ საზოგადოებისთვის მნიშვნელოვანი პრობლემების გადაჭრას როგორც ადგილობრივ, ისე ეროვნულ დონეზე. ICG პროგრამა ემსახურება USAID-ის სამოქალაქო საზოგადოების ჩართულობის პროგრამის მთავარ მიზანს -- სამოქალაქო ინიციატივებსა და დემოკრატიულ პროცესებში მოქალაქეთა მონაწილეობის გაზრდას საქართველოში.

ICG პროგრამისა და USAID-ის სამოქალაქო საზოგადოების ჩართულობის პროგრამის მიზნებთან შესაბამისობაში შეიძლება იყოს ისეთი პროექტები, როგორიცაა:

- ✚ მოქალაქეთა მობილიზების კამპანიები, რათა უფრო მეტი მოქალაქე ჩაერთოს გადაწყვეტილებების მიღების პროცესში და სამოქალაქო ინიციატივებში თემის მიერ გამოკვეთილ საჭიროებებზე საპასუხოდ; განსაკუთრებით, ისეთ თემებში, სადაც სამოქალაქო ჩართულობის კუთხით ყველაზე მეტი გამოწვევაა.



USAID
FROM THE AMERICAN PEOPLE

**EAST • WEST
MANAGEMENT
INSTITUTE**

- ✚ საკომუნიკაციო კამპანიები თემის საჭიროებებზე საპასუხოდ ფინანსური და არამატერიალური რესურსების მობილიზებისთვის ე.წ. ქრაუდფანდინგის, შემოწირულობების, მოხალისეების ჩართვის, კერძო სექტორთან თანამშრომლობის (კორპორატიული პასუხისმგებლობის) და სხვა გზებით.
- ✚ საკომუნიკაციო და საინფორმაციო კამპანიები, მათ შორის, ვირუსული კამპანიები, კონკრეტული პრობლემ(ებ)ის შესახებ მოქალაქეების სათანადოდ ინფორმირებისთვის და მის გადასაჭრელად საზოგადოების გაერთიანებისთვის.
- ✚ პოლიტიკის შეცვლისკენ მიმართული კამპანიები ადგილობრივ ან ეროვნულ დონეზე პოლიტიკის ცვლილების ინიცირების ან/და მხარდაჭერისთვის მოქალაქეთა ჩართულობის გზით.

პრიორიტეტი მიენიჭება პროექტებს, რომლებშიც:

- ✚ ყურადღება კონკრეტულ საკითხზე/პრობლემაზე იქნება გამახვილებული და მისი მნიშვნელობა/აქტუალობა მკაფიოდ იქნება დასაბუთებული.
- ✚ ნათლად იქნება ნაჩვენები, რომ განმცხადებელ ორგანიზაციას/გაერთიანებას კარგად ესმის, რა გარემოში/ვითარებაში მოუწევს აქტივობების განხორციელება.
- ✚ შემოთავაზებული იქნება პრობლემის გადაჭრის რეალისტური, კრეატიული და ინოვაციური მიდგომები, მათ შორის, საინფორმაციო ტექნოლოგიების გამოყენება.
- ✚ გათვალისწინებული იქნება ნაკლებად დაცული და მარგინალიზებული ჯგუფების, მათ შორის, ქალების, შეზღუდული შესაძლებლობების მქონე პირებისა და უმცირესობების ფართო და სიღრმისეული მონაწილეობა.

თუ ICG გრანტის მიმღები მიმდინარე პროექტისთვის ან მის გასაგრძელებლად ადგილობრივი წყაროებიდან (მაგ. მოქალაქეებისგან, კერძო სექტორისგან ან/და მთავრობისგან) დამატებით დაფინანსებას მოიპოვებს, EWMI გაზრდის გრანტის მოცულობას (bonus/match funding) იმ პირობით, თუ გაზრდილი დაფინანსება საგრანტო აქტივობის გამრავალფეროვნებას, მასშტაბის გაზრდას ან/და გაგრძელებას მოხმარდება. აღნიშნული შეიძლება მოიცავდეს:

- ფინანსური და არამატერიალური შემოწირულობების მიღებას მოქალაქეებისგან.
- შეთანხმების მიღწევას ხელისუფლებასთან, რომ პროექტის წარმატების შემთხვევაში, გაგრძელდება მისი სისტემური მხარდაჭერა (მაგ., პროექტის შესაბამისი კომპონენტ(ებ)ი აისახება ადგილობრივ/სახელმწიფო სერვისებში/პროგრამებში).
- მხარდაჭერის მიღებას კერძო სექტორისგან, რომ გაფართოვდეს პროექტის აქტივობები სისტემური და მდგრადი ცვლილებების მისაღწევად.

განაცხადის წარდგენის პროცედურა

USAID-ის სამოქალაქო საზოგადოების ჩართულობის პროგრამა მიიღებს ინგლისურ, ქართულ, სომხურ და აზერბაიჯანულ ენებზე მომზადებულ განაცხადებს. განაცხადები მიიღება როგორც წერილობით, ისე ვიდეო ფორმატში. არ არის აუცილებელი, ვიდეო პროფესიონალურ დონეზე იყოს გადაღებული და დამონტაჟებული. მისი გადაღება



USAID
FROM THE AMERICAN PEOPLE

**EAST • WEST
MANAGEMENT
INSTITUTE**

შეიძლება ვიდეოკამერით, ტელეფონით, ან ციფრული ფოტოაპარატით. ვიდეოგანაცხადი უნდა პასუხობდეს საგრანტო განაცხადის ფორმაში დასმულ კითხვებს (აღწერდეს პრობლემას და მისი გადაჭრის გზებს). სასურველია, რომ მასში წარმოდგენილი იყოს თემის წარმომადგენელთა მოსაზრებები. ვიდეოს ხანგრძლივობა არ უნდა აღემატებოდეს 5 წუთს და ის YouTube-ზე უნდა იყოს ატვირთული.

შევსებული საგრანტო განაცხადი ან ვიდეოგანაცხადი მიიღება ელექტრონულად ელ. ფოსტის მისამართზე: csep@ewmi.org. სათაურის ველში მიუთითეთ ICG Program. საგრანტო პროგრამასთან დაკავშირებით კითხვების შემთხვევაში მიმართეთ ანი ნიქაბაძეს, სამოქალაქო ჩართულობის კოორდინატორს ელ. ფოსტის მისამართზე: anikabadze@ewmi.org.

შეფასების პროცესი და კრიტერიუმები

საგრანტო განაცხადებს შეაფასებს სპეციალურად ამ საგრანტო პროგრამისთვის შექმნილი გრანტების შემფასებელი კომისია (GRC), რომლის შემადგენლობაში იქნებიან EWMI-ის თანამშრომლები და სხვა მოწვეული პირები. თუ საგრანტო განაცხადი გაივლის შერჩევის ამ (პირველ) ეტაპს, განმცხადებელს შესაძლოა ეთხოვოს დამატებითი ინფორმაციის წარმოდგენა.

საგრანტო განაცხადები შეფასდება შემდეგი კრიტერიუმების მიხედვით:

- ICG პროგრამის მიზნებთან შესაბამისობა.
- შემოთავაზებული სტრატეგიის ეფექტიანობა და ინოვაციურობა.
- მოქალაქეთა ჩართულობის ხარისხი.
- აქცენტი რეგიონებზე და მარგინალიზებულ თემებზე.
- ხარჯთეფექტურობა.
- პროექტის გუნდის კვალიფიკაცია და უნარები.

პროექტის დეტალური სამოქმედო გეგმისა და საკომუნიკაციო სტრატეგიის მოსამზადებლად, შერჩეული პროექტების წარმომადგენლებს EWMI მონაწილეობით (ე.წ. თანაშექმნის) სამუშაო შეხვედრებში ჩართავს.

ვადები

საგრანტო კონკურსის გამოცხადება	2023 წლის 27 მარტი
ღია კარის დღე EWMI-ის ოფისში და/ან დისტანციურად	2023 წლის 19 აპრილი
განაცხადის წარდგენის ბოლო ვადა	2023 წლის 27 აპრილი
განაცხადების შეფასება	2023 წლის 11 მაისი
გამარჯვებული პროექტების ავტორებთან კომუნიკაცია	2023 წლის 15 მაისი
განაცხადების განხილვისა და გამარჯვებულების გამოცხადების ვადები შეიძლება შეიცვალოს	



USAID
FROM THE AMERICAN PEOPLE

**EAST • WEST
MANAGEMENT
INSTITUTE**

დაფინანსების სქემები

რეგისტრირებული სამოქალაქო ორგანიზაციებისა და მოქალაქეთა არარეგისტრირებული გაერთიანებებისთვის გათვალისწინებულია დაფინანსების ორი განსხვავებული სქემა. რეგისტრირებულმა სამოქალაქო ორგანიზაციებმა უნდა წარმოადგინონ სტანდარტული საგრანტო ბიუჯეტები, სადაც მითითებული იქნება დეტალური ინფორმაცია მათ მიერ გასაწევი ხარჯების შესახებ. მოქალაქეთა არარეგისტრირებულმა გაერთიანებებმა უნდა წარმოადგინონ იმ საქონლის/მომსახურებების ჩამონათვალი (შესაბამისი ღირებულებებისა და მომწოდებელთა ჩამონათვალის მითითებით), რომელიც პროექტის აქტივობების განსახორციელებლად დასჭირდებათ. მოქალაქეთა არარეგისტრირებული გაერთიანებებისთვის შესყიდვების განხორციელება მოხდება უშუალოდ EWMI-ის მიერ.

რეგისტრირებულმა სამოქალაქო ორგანიზაციებმა ასევე უნდა წარმოადგინონ აშშ-ის მთავრობის ოფიციალურ ვებგვერდზე (SAM.gov) მოპოვებული ორგანიზაციის უნიკალური მაიდენტიფიცირებელი კოდი (Unique Entity ID). ასეთის არქონის შემთხვევაში, გთხოვთ, იხილეთ ვიდეო ინსტრუქცია მითითებულ ბმულზე: <https://www.youtube.com/watch?v=C87wSCYKTcE>, რომელიც დაგეხმარებათ მის აღებაში. განაცხადის წარდგენის ეტაპზე, UEI კოდის არ ქონა არ წარმოადგენს განაცხადის დახარვეზების (ან უარყოფის) საფუძველს. თუმცა, საგრანტო კონკურსში გამარჯვების შემთხვევაში, გრანტის მისაღებად აუცილებელია ორგანიზაციამ წარმოადგინოს UEI კოდი.

საგრანტო პროგრამის ფარგლებში არ დაფინანსდება:

- პოლიტიკური პარტიის მხარდაჭერა ან/და ლობირება.
- რელიგიური საქმიანობა.
- თეორიული/აკადემიური კვლევა.
- ტრენინგი, როგორც პროექტის ძირითადი აქტივობა.
- ინდივიდუალური ან/და ჯგუფური სამოგზაურო გრანტები.
- ჰუმანიტარული საქმიანობა.
- სამშენებლო ხარჯები.
- სესხის მომსახურება/დაფარვა.
- პროექტის დაწყებამდე გაწეული ხარჯები.

შედეგების შეტყობინება

USAID-ის სამოქალაქო საზოგადოების ჩართულობის პროგრამა განაცხადების განხილვის შედეგებს ყველა განმცხადებელს შეატყობინებს, მათ შორის, იმ განმცხადებლებსაც, რომლებიც პირველ ეტაპს ვერ გადალახავენ. მიღებული განაცხადების რაოდენობის გათვალისწინებით, EWMI-მ, შესაძლოა, ვერ შეძლოს თითოეულ უარყოფილ განაცხადზე დეტალური განმარტებების გაცემა. წარმატებულ განმცხადებლებს USAID-ის სამოქალაქო საზოგადოების ჩართულობის პროგრამა მითითებულ ვადებში დაუკავშირდება და შემდგომი ნაბიჯების შესახებ აცნობებს. EWMI ხელმძღვანელობს გამჭვირვალობის პრინციპით. ინფორმაცია დაფინანსებული პროექტების შესახებ საჯაროდ იქნება ხელმისაწვდომი საზოგადოებრივი ზედამხედველობისა და მონაწილეობის უზრუნველსაყოფად.



USAID
FROM THE AMERICAN PEOPLE

**EAST • WEST
MANAGEMENT
INSTITUTE**

გრანტის ადმინისტრირება და ანგარიშგება

ICG გრანტის მიმღები ვალდებული იქნება USAID-ის სამოქალაქო საზოგადოების ჩართულობის პროგრამას წარუდგინოს პერიოდული/მიმდინარე და საბოლოო ანგარიშები განხორციელებული აქტივობებისა და შედეგების შესახებ. ზოგიერთი საგრანტო პროექტის შემთხვევაში, შესაძლოა, გადაიხედოს ანგარიშგების ფორმატი და წერილობითი ანგარიშები პერიოდული სატელეფონო ზარებით ან/და ადგილზე ვიზიტების განხორციელებით ჩანაცვლდეს, რათა შესაძლებელი გახდეს ინფორმაციისა და აზრების ღიად გაცვლა.

USAID-ის სამოქალაქო ჩართულობის პროგრამა გრანტის მიმღებებს სრული საგრანტო ციკლის განმავლობაში გაუწევს ტექნიკურ დახმარებას. პროგრამა, ასევე, ხელს შეუწყობს გრანტიორებს შორის ცოდნისა და გამოცდილების რეგულარულად გაზიარებასა და ურთიერთთანამშრომლობას.

EWMI მუდმივად ცდილობს გააუმჯობესოს მისი საქმიანობა. გთხოვთ, შენიშვნები ან/და მოსაზრებები საგრანტო პროგრამებთან ან/და პროცედურებთან დაკავშირებით გაგვიზიაროთ ელექტრონული ფოსტის ან Facebook-ის მეშვეობით.